



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1709. usque ad annum 1714

Fleury, Claude

August. Vind. [u.a.], 1782

VD18 90119266

§. 46. Antonius Franciscus San-Vitalis Cardinalis mortuus.

[urn:nbn:de:hbz:466:1-67615](https://nbn-resolving.org/urn:nbn:de:hbz:466:1-67615)

Sæc. XVIII.
A. C. 1714.

§. XLVI.

*Antonius Franciscus San - Vitalis
Cardinalis mortuus.*

Hunc eadem mortis necessitate seque-
batur Antonius Franciscus San-
Vitalis patria Parmensis. Hic Majo-
rum toga & sago præstantissimorum
vestigiiis presse insistens, optimam in-
dolem pietate, ac ingenii aciem altio-
ribus disciplinis mire excoluit, & in
Parmensi Athenæo Jurisprudentiæ lau-
ream emeruit. Sacerdotio initiatum,
Saladinus tum Parmensis Episcopus,
qui integerrimam vitæ rationem ac æ-
tate superiorem prudentiam in hoc ju-
vene summopere admiratus, eum in
maxime arduis suæ Diæcesis negotiis
Consiliarium adhibuit, & Synodalem
examinatorem, necnon librorum censo-
rem esse jussit. Magis adhuc proficiendi
desiderio incitatus Antonius, Germa-
niam & Italiam perlustratus est, sua-
que obsequia Ecclesiæ dicandi studio
Romam contendit, ubi ab Innocen-
tio XII. Romanis Prælatiis aggregatus,
utriusque *Signaturæ*, ut vocant, Refe-
rendarius & S. Officii Consultor renun-
tiabatur: Non minus hujus Viri merita
erant cognita Clementi XI. a quo Va-
ticaniæ Ecclesiæ Canonatu, Avenio-
nentis

Vit. Card.
t. 1. p. 193.
Guarnac.
Vit. Pontif.
t. 2. p. 154.

Sæc. XVIII. A. C. 1714. nensis Pro - Legati, & Florentini Nuntii dignitate, aliisque honoribus augebatur: anno tamen Florentiis vix exacto, ut ad majora proveheretur, Romam revocatus, Pontificio cubiculo præfectus dicebatur, intima familiaritate usus doctissimi Patris Querini Benedictini, a quo etiam in Græco idioma institutus est. Postea Urbinatis Episcopatus admotus ac Purpura decoratus, ad suam Diæcesin revertebatur. Seligebat ipsum præ ceteris Pontifex, ut tanquam Legatus a Latere ad Philippi V. Regis Sponsam Benedictionem Pontificiam deferret, eique regale connubium Pontificis nomine gratularetur, quem tamen honorem humilis Vir recusabat, eumque Gozzadino Cardinali cedebat. Paulopost gravi morbo oppressus, die decima septima Decembris anno ætatis quinquagesimo quarto Urbini naturæ debitum solvit, ibidem in Ecclesia majori honorifice sepultus. Adjectus erat quinque S. Congregationibus, in quibus præfulem eruditione, prudentia, integritate, tantisque præclaris dotibus instructum exhibuit, ut omnium suffragio Pontificia Tiara dignissimus haberetur.